

समे – 12:25

<><><><><><>

एह आकाशवाणी जम्मू ऐ, हुन तुस विजय बजाज कोला खबरां सुनो।

JK Age Limit

जम्मू-कश्मीर सरकारै प्रदेश च सांझे मुकाबलेबाजी आहले स्तेहान देने दे खाहिशमंद सामान्य श्रेणी दे मेदवारें लेई उम्र दी बढ़ोबद्ध हद गी बढ़ाई दिता ऐ। सामान्य प्रशासनिक विभाग जीएडी दे कमीशनर सैक्रेटरी संजीव वर्मा हुंदे आस्सेआ जारी इक अधिसूचना मूजब सामान्य श्रेणी दे मेदवारें लेई उमर दी बढ़ोबद्ध 35 बरें करी दिता ऐ जेहड़ी पैहले 30 बरें तगर दी ही। इस्से चाल्ली आरक्षित श्रेणी दे मेदवारें लेई हून बढ़ोबद्ध उमर दी हद 37 बरें ते दिव्यांग मेदवारें लेई 38 बरें करी दिती गई ऐ। तोआई जम्मू कश्मीर लोक सेवा आयोग नै औंदी 17 नवम्बर गी लैता जाना तैह होए दा सांझा मुकाबलेबाजी आला मतेयान फिलहाल अगड़ा पाई दिता ऐ। आकाशवाणी दे जम्मू संवाददाता दी रिपोर्ट मुजब, इस सरबंघे च जारी इक नोटिस च दस्सेआ गेआ ऐ जे मतेयान लेई नमीं तरीक दा ऐलान बखरे तौर उप्पर कीता जाग।

<><><><><><>

Kishtwar Encounter

किश्तवाड़ जिले दे गिधरी टॉप आहले जांगली इलाके च कल आतंकवादिण कन्नै होए दे टाकरे च फौज दे इक जेसीओ शहीद ते 3 जवान जखमी होई गे'न। मन्नेआ जा'रदा ऐ जे इलाके च छप्पे दे इनें 4 आतंकवादिण गै जिले दे कुन्तवारा इलाके च दऊँ ग्राम रक्षा गार्डें दी हत्तेया कीती ही। जिले दे दूर-दरेड़े जंगलें च गिधड़ी टॉप इलाके च तपाशी अभियान लेई तैनात फौजी टीम दी अगुवाई करै करदे नायब सूबेदार राकेश कुमार होर इस टाकरे च त्रै होर जवानें दे जखमी कन्नै होए। उनें सब्बने गी ब्हाई रस्तेया फौजी अस्पताल पजाया गेआ जित्थें कल संजा राकेश कुमार होरें दम त्रोड़ी दिता। इस हमले दे बाद कल पूरे इलाके च सुरक्षाबलें अपने अभियान गी होर तेज करी दिता। तोआई लेफ्टिनेंट गवर्नर मनोज सिन्हा होरें शहीद राकेश कुमार हुंदे परोआर दे प्रति हमदर्दी जताई ऐ। एलजी होरें उंदे सर्वोच्च बलिदान गी नमन करदे होई आखेआ ऐ जे राष्ट्र दे प्रति उंदिण निस्वार्थ सेवाएँ गी म्हेशां चेता रखेआ जाग। अधिकारिण मूजब गिधड़ी टॉप दे जंगलें च छप्पे दे चौनें आतंकवादी पाकिस्तान दे न ते ओह बड़े भारी थेआरें कन्नै लैस गी हैन, जिंदे च एम-4 कारबाइन, असाल्ट रफलां ते गोला बरूद बी शामिल ऐ। इनें आतंकवादिण दऊँ ग्राम रक्षा गार्डें दी हत्तेया कीती ही ते ओहदे मगरा नस्सियै गिधरी टॉप दे जंगलें च जाई छप्पे। इंदे सफाए लेई हैलीकाप्टरें ते ड्रोनें गी बी तैनात कीता गेदा ऐ।

<><><><><><>

Kishtwar Search Operation

सुरक्षाबलें किश्तवाड़ जिले दे केशवान आहले घने जंगलें ते एहदे कन्नै इलाकें च अपना सुरक्षा अभियान बरोबर जारी रखे दा ऐ। आकाशवाणी दे जम्मू संवाददाता मुजब सुरक्षाबलें जंदे वीरवारें जिले च द'ऊँ ग्राम रक्षा गार्डें दी हत्तेआ करने आहले आतंकवादिण दी घरफगड़ लेई पिच्छले च'ऊँ दिनें थमां इस घने जंगली इलाके च तपाशी अभियान चलाए दा ऐ। कल दिनें तकरीबन 11 बजे शुरु होए दे टाकरे च फौज दे इक जेसीओ नायब-सूबेदार राकेश कुमार शहीद होई गे हे ते त्रै होर जवान जखमीं होए दे न। इलाके च छप्पे दे त्रै शा चार आतंकवादिण दे सफाये लेई सुरक्षाबलें अपने अभियान गी होर तेज करी दिते दा ऐ ते दुर्गम ते फाड़ी जांगली इलाका होने करी इस अभियान च चुनौतियां पेश आवै करदिआं न।

Kishtwar House Fire

किश्तवाड़ जिले च अज्ज बड़लै इक घरै च अग्न लगी जाने करी इक महिला ते ओहदे द'ऊं बच्चें दी मौत होई गई। आकाशवाणी संवाददाता मुजब, मारे गेदे लोकें दी पन्छान नाजिया बेगम, ओहदी धीह् अमीना ते पुत्तर रिजवान दे तौर पर कीती गई ऐ। पुलसै मूजब, द्रबशाला इलाके च इस घरै च अज्ज बड़लै तकरीबन साड़ढे 4 बजे अग्न लगी गई। हादसे दे बेल्ले एह महिला ते ओहदे बच्चे सुत्ते दे हे जिस करी ओह बचियै नेई नस्सी सके। अग्न लगने दे पिच्छे दिएं वजहें दा अजें पता लाया जा करदा ऐ। तोआई जंदी चिरें रातीं किश्तवाड़ जिले दे छात्तरू च गुज्जर-बक्करवाल जागतें दे इक होस्टल च अग्न लगने दी घटना पेश आई। उआं इस घटना च कोई जानी नुक्सान नेई होआ ऐ।

<><><><><><>

CJI Oath

जस्टिस संजीव खन्ना होरें अज्ज भारत दे 51में प्रधान न्यायधीश दे तौर पर औहद्धे दी सगंध चुक्की। राष्ट्रपति द्रौपदी मुर्मू होरें उनें'गी अज्ज राष्ट्रपति भवन च लोआए गेदे इक समारोह दरान औहद्धे दी सगंध चुकाई। जस्टिस खन्ना होरें'गी पैहली बारी सन् 1005 च दिल्ली हाई कोर्ट च बतौर एडीशनल जज नियुक्त कीता गोआ हा ते 2006 च ओह स्थाई जज बने हे। एहदे परैन्त जनवरी 2019 च उंदी नियुक्ति सुप्रीम कोर्ट च होई ते अज्ज ओह भारत दे 51में प्रधान न्यायधीश बनी गे'न। उनें एह औहद्धा जस्टिस डी.वाई. चंद्रचूड़ हुंदे थमां सांभेआ ऐ जि'दा कार्यकाल कल खत्म होई गोआ।

<><><><><><>

NHRC Programme

मनुक्खी अधिकारें सरबंधी राष्ट्री आयोग अज्जै थमां विदेश मंत्रालय दे सैहयोग कन्नै नमीं दिल्ली च 6एं दिनें दा भारती तकनीकी ते आर्थिक सैहयोग कार्यकारी समर्थ निर्माण कार्यक्रम शुरू करोग। एह कार्यक्रम 16 नवम्बर तगर चलोग। इस कार्यक्रम च मालदीव, नेपाल, श्रीलंका ते थाइलैंड सने 8एं मुखें दे मनुक्खी अधिकारें सरबंधी राष्ट्री संस्थानें दे आला अधिकारी ते होर दुए लोक बी हिस्सा लैडन। आयोग नै आखेआ ऐ जे इस कार्यक्रम दा मकसद बक्ख-बक्ख खेत्तरें च मनुक्खी अधिकारें गी प्रोत्साहन, संरक्षण ते मजबूती देना ऐ।

<><><><><><>

J&K Jhiri Mela

10एं दिनें तगर चलने आह्ला सलाना झिड़ी दा मेला ऐगती 14 नवम्बर थमां 24 नवम्बर तगर आयोजित कीता जाह्य। आकाशवाणी संवाददाता मूजब, एह मेला हर ब'रे जम्मू-अखनूर जरनैली सिड़कें पर झिड़ी ग्रां च अक्तूबर जां नवम्बर महीने कत्ते महीने दी पुन्नेआ दे मौके लोआया जंदा ऐ। इस मेले दा आयोजन म्हान करसान नेता बाबा जित्तो हुंदी सुच्ची सम्हाला च कीता जंदा ऐ ते इस ब'रे तकरीबन 20 लक्ख लोकें दे एहदे च हिस्सा लैने दी मेद ऐ। बक्ख-बक्ख सरकारी मैह्कमें आसेआ इस मेले दरान कल्याणकारी योजनाएं दी जानकारी देने लेई अपने पंडाल लाए जाडन। इस मेले गी कामयाब बनाने लेई प्रशासन आसेआ सब्बै लोड़चदे बंदोबस्त जकीनी बनाए जा करदे न।

<><><><><><>